

PAPA-CACVS:

SIVE,

ELEGIA HORTATIVA


AD OMNES ORDINES

Britanniæ magnæ &
Hyberniæ.

ET DECASTICHON IN IESVITAS
laiolanos Monachos.

*Per IOANNEM GORDONIVM Theologiae Docto-
rem, & Decanum Ecclesie Cathedralis
Sarisburiensis.*

(5)



LONDINI
Excudebat FELIX KYNGSTON.
Anno Dom. 1611.

270A319A

2145

AVITATION 1001

ORDINANCES

33. 30 g sin sinuata

100

donald@cs.cmu.edu



PAPA-CACVS:

SIVE,

ELEGIA HORTATIVA AD

omnes ordines Britanniae magnae

& Hyberniae.

AD gentes Missam se affirmat dña Sibylla,
Has colere vt doceat numina vera Dei.
Christi, illa aduentum praedixit, & Antichristi,

Fatidico Græcis carmine vera canens.

Tradidit & Romæ fatales virgo libellos,

Quos rebus creperis consulere patres.

Hinc Maro grandiloquus Cumæo carmine doctus,

Demissam coelo progeniem cecinit.

Hinc & Auentino Antichristum monte furentem

Nomine sub Caci saxa per alta locat.

Semihominē hunc pingit fumos, flammāsque, vomens. *Pape & Caci comparatio.*

Quodq; triceps monstrum Naso poeta canit. (tem,

Huic spelunca domus tenebroso in montis hiatu,

Nigraq; sub saxis antra reclusa cauis.

Pro foribus pendent tristi rorantia tabo

Ora virum, iugulat quos truculenta manus.

Huic circum virides valles, & gemmea prata,

Mille quibus soliti luxuriare greges.

Armenta Alcidae per Tempe pabula tondent,

Dum tectis heros Arcadis hospes erat.

Interea scelerum patrator, Cacus alastor:

Auersos caudis traxit ad antra boues.

Dum parat Alcides abitum, saluæq; iuuençæ

Mugitu socias per caua saxa vocant;

~~Reddidit vna vocem vasto quæ clausa sub antro;~~

Criminis & Caco debita damna tulit.

Alcides Cacus detecta fraude vomentem

Fumos cum flammis ad sua fata trahit.

Diruit & scelerum latebras, foeda antraque tabo,

Et facta Alcidæ libera Roma manu.

Montem hunc inuasit post sæcula fera tyrannus,

Instar qui Caci fumea tela vomit.

Hic Papæ assumpsit nomen, propriumque dicauit,

Vt miti tegeret nomine nequitiam:

Et quamuis prisca mutauit nomina Caci,

Est alter Cacus fraudibus atque dolis;

Cacus vt in latebris latitans montisque recessu

Caudis auersos traxit in antra boues;

Sic Papa auersos à vera relligione

Incautos homines nigra sub antra trahit:

Vtq; homines Cacus crudeli morte peremit,

Innocuòque antri sanguine tinxit humum;

Sic Papa exurit mortalia corpora flammis

Horum, qui imperij fræna subire negant,

In se omnes transfert leges, diuinæque iura,

Quod libet hoc illi posse licere tonat:

In reges populos armat, dulcèsque penates,

In patres natos, in iuuenèsque patres.

Non tam mente furit rabida furialis Erynnis,

Non leo, non tigris, diræque Tisiphone:

Quantum papali mens externata veneno,

Idolis cæcis cæcior ipsa furit.

Hoc immane scelus pietatis nomine cælat,
 Se iactans verum posse creare Deum,
 Mancipijsque suis promittit cælica templa,
 Illum si credant orbis adesse Deum,
 Próque Deo vero, si farris numen adorent,
 Fingere quod numen murmure vocis, ait :
 Si statuas mutas, quas ipse dicauit in Aris,
 Basia figentes thuris honore colant.
 At veros cæli cultores numinis, igne,
 Et ferro, cogit tristia damna pati;
 Præque alijs illi est exosa Britannia terris,
 Eius quòd renuat dura subire iuga,
 Et statuas hominum mutas sensuque carentes
 Quòd venerari animi relligione neget,
 Quòdque creaturis non dandos credat honores,
 Figmentis hominum quæ ratione carent,
 Deneget & Papis quod sit concessa potestas,
 Reges à proprijs pellere fraude thronis,
 Quòdque Deum in terris papam non esse colendum
 Credat, Sandalijs oscula dando pedum :
 Hinc est quòd toties turba amens papicolarum,
 Et regi, & patriæ, damna cruenta struit.
 O proceres quibus est data dispensatio legum,
 Vosque ministerij queis data cura Dei;
 Paruo perlegite hoc immania facta libello
 Cerberij Caci semiferique Dei,
 Qui fumis oculos fallit pro relligione
 Vera, falsa ferens dogmata, mente furens :
 Alcides Cacus qui iusta morte peremit,
 Lux alma est veri sydere missa Poli,
 Lux eadem Cacus qui Romæ ~~presidet~~ altè,
 Et plebem auersam cæca sub antra trahit,

presidet

Euertet tandem, fumos flammæque vomentem
 Conteret, hæc captos eripietque boues.
 Sunt vobis bini Alcidae natusque patérque,
 Ambo armis clari, legibus atque animis;
 Hos Deus vt Cacum perimant euexit ad altum
 Imperij culmen terra Britanna tui:
 O proceres vestris Alcidis iungite mentes,
 Diuitias, vires corporis, atque animi,
 Diruite, atque imis euertite fundamentis
 Caci antrum fumans sanguine martyrij:
 Ante oculos mentis proponite facta nefanda,
 Caci imitatorum papicolûmque scelus;
 Pulueriæ memores persistite proditionis,
 Facta terat quæ vt vos, pulueris instar erat,
 Dum Rex, & regni coetus, pro more vetusto
 Vna animis iunctis æde coire parant,
 Papicolæ infani, nigrique Acherontis alumni
 Orco, non cælo, fulmina sæua petunt:
 Cum populo regem, regis cum coniuge, prolem,
 Vno ictu tentant præcipitare neci;
 Ima parte domus subdunt Vulcania tela,
 Puluere farta dolo dolia sulphureo,
 Fulmineo vt vomitu tumularent æthere regem,
 Et regis stirpem, nobiliûmque decus:
 Vtque superstitio Romana emerfit ab Orco,
 Suppetias orco sic petit illa sibi.
 Vos regi (ò proceres) iungant communia fata,
 Sorte quibus parili damna parata necis,
 Concordes animos stabili coniungite vinclo,
 Fida fides regi stet sine labe gregis.
 Rex vt imago Dei viua est, sic factio Romæ,
 Regibus infida est, quæ male fida Deo.

Communes iras communis sentiat hostis,
Curáque communis par sit vtrisque laris.
Sollicitis animis nascenti obsistite pesti,
Ne tabes gliscens corpus in omne meet.
Qui ferro & flammis patriam delere minantur,
Pro meritis facti noxia damna luant.
Qui Papam credunt orbis dominumque, Deumque,
Hoc regno extorres Italia regna petant.
Aut si illis melior veniet sententia menti,
Terra illis placeat lexque Britannia simul.
Sic Rex tutus erit, sic Grex securus ab hoste,
Dum Rex, Lex, & Grex foedera iuncta tenent.





Decastichon in Iesuitas laiolanos
Monachos.

Homer. Iliad.

1 & 7.

*ἄνθρωπος ἰσχυρὸς
καὶ ἄνθρωπος.*

*Vide Hospinia-
num de Iesuatis
Monachis.*

*Imo i. d. v. d. n. e.
ardelio impu-
dens temera-
rius.
Aristoph. v. p.*

NOxa Dea est, Aten quam dixit prisca verustas,
Mentibus hæc hominum noxia damna ferit.
Iupiter hanc fertur Coelo extrussisse supremo,
Illa ales velox haud pede pressit humum :
Sed cerebris hominum celeri perfusa meatu
Ad scelus, & noxam corda nefanda rapit.
Hæc Monachis dederat Iesuatis nomina prisca,
Nomine qui Iesu dogmata falsa dabant.
Hos olim domibus pepulit prudentia patrum :
Pulsa Ate hinc terris nigra fluentia petit.
At nunc Tartareo Monachos Satan edidit Orco,
Qui Iesuitarum nomina ficta ferunt.
Atra lues Graijs Itas est ardelionum,
Qui scelerum & cædis semina dira serunt :
Hoc sensu, verum Monachis Laiola prophanis
Nomen das, mores quod geniumque notat.
Nam plebem in reges armant, & vincla resoluunt
Iuramenti, homines quod ligat, atque Deum:
Itas tolle Deus diuino à nomine Iesu,
Religio vt vigeat cum probitate, fides

FINIS.